



NATURPARK
PARCO NATURALE
PARCH NATURAL
NATURE PARK

FANES SENNES PRAGS
FANES SENES BRAIES

Foto: Ralf Pechlaner | AVS

JUNIOR RANGER

Parcs naturai de Südtirol 2022
por mituns/mitans da 10 a 11 agn

JUNIOR RANGER

Naturparks Südtirol 2022
für Kinder von 10 bis 11 Jahren

Ciassa dl Parch Fanes-Senes-Braies
Naturparkhaus Fanes-Sennes-Prags
strada Catarina Lanz Str. 96
39030 Al Plan de Mareo /
St. Vigil in Enneberg
T +39 0474 506120
info.fsp@provinz.bz.it

Deplü informaziuns:
Weitere Informationen:



En colaboraziun cun:
In Zusammenarbeit mit:

LADINIA
LIA DA MUNT VAL BADIA

Berge erleben

AVS
ALPENVEREIN SÜDTIROL

AUTONOME
PROVINZ
BOZEN
SÜDTIROL



PROVINCIA
AUTONOMA
DI BOLZANO
ALTO ADIGE

PROVINCIA AUTONOMA DE BALSAN
SÜDTIROL



tl Parch natural Fanes-Senes-Braies **PROGRAM 2022**

Mercui, 11 de má:

Presentaziun dl proiet

Rapresentanc dl Parch natural y dla Lia da Munt presentëia le proiet y i contegnüs dla formaziun da Junior Ranger tl Parch natural Fanes-Senes-Braies. Al vëgn splighé les singoles unitês dl curs y le decurs dles ativités. Al vëgn partí fora l'equipamënt da Junior Ranger. La sëra ti pita ince la poscibilité ai Junior Ranger da imparé a se conësce danter vëi. Ince n genitur dess tó pert a chësta sëra!

Post de incuntada: Ciasa dl Parch natural Fanes-Senes-Braies | Strada Catarina Lanz 96 | 39030 Al Plan de Mareo

Orar: dales 18:00 ales 19:00

Referënc: MATTEO RUBATSCHER, Ciasa dl Parch | DAVIDE SCHUEN, Lia da Munt

Mertsch, 5 de messé:

Sön munt cun segurëza y respet

Denant che an pëies ia por jí sö por munt, mëssun se arjigné ca bun. Ci che an mëss döt cant tó in conscideraziun pro la preparaziun de n'escurjiun, imparunse incö: Ci messunse pa düt cant se tó para, y co le pochenëiun pa bun tl ruchsoch? Co fejun pa da se orienté? Co lijun pa na cherta orafica? I ciafun tröc consëis pratics por nosta segurëza – y sambëgn ne se desmentiunse gnanca le respet por la natöra! Canche an planifichëia na jita él avisa tan important da ponsé ince a ci regoles che vel tl Parch natural, co che an pó se comporté por respeté l' ambiënt y por evité incuinamënt.

Post de incuntada: Plaza da parché Sciaré, San Ciascian, dales 9:00

Gni zoruch: Plaza da parché Sciaré, dales 17:00

Referënc: VERENA DAPOZ, Lia da Munt | STEFANO DE VAL, C.A.I. | MATTEO RUBATSCHER, Ciasa dl Parch Fanes-Senes-Braies

Mercui, 6 de messé:

Aiüt alpin | Biodiversité

Dagnëra canche an roda tla natöra, vël: Prüma regola é la segurëza! Incö nes mostra **PAUL ERLACHER** i locai dl Aiüt Alpin y nes spliga danter l'ater, ci che an mëss fá, sce an á n inzidënt sö por munt. Can y co podunse pa cherdé aiüt? Únse para n set de prüm aiüt y co le adorunse pa?

Do marëna junse te Ciasa dl Parch a ti ciaré ala mostra sura la „Biodiversité“. Dötes les creatöres depënd öna dal'atra, se adatëia öna al'atra y al ambiënt olache ares vir ... y insciö nascel les sortes de tiers y plantes, nascel la biodiversité. Chësc odunse ince spo defora, te n pré, olache ti ciarun ales mile formes di insec y ciüfs, y spo ince tl Parch dai düli, olache odarun dötes les sortes de düli y ciuites, che vëgn dant chiló da nos, y n grüm de atres da döt le monn. **MARIO KELEMINA** nes cuntará n grüm de cosses interessantes sura la vita di vicí dla nôt. Dles plü de trënta sortes de vicí dl parch dai düli é tla natöra n grüm manaciades da morí fora. Cimoda? Ince chël porvarunse da ciafé fora!

Post de incuntada: Ciasa dl Parch Fanes-Senes-Braies, dales 9:00

Gni zoruch: Ciasa dl Parch Fanes-Senes-Braies, dales 17:00

Referënc: **PAUL ERLACHER**, Aiüt Alpin | **MATTEO RUBATSCHER**, Ciasa dl Parch Fanes-Senes-Braies | **MARIO KELEMINA**, Owl Park San Vigilio

Jöbia, 7 de messé:

Prá d' Armentara

Dales 9:00 se incuntunse a Badia pro le lift, che tolun da jí cina sö La Crusc. Da dailó inant junse spo a pé jö en Armentara. **SILVIA OBERLECHNER**, laureada en sciënzes naturales, nes cuntará de vigne sort de cosses interessantes sura plantes y tiers tipics di prá da munt y di parüs, che vëgn dant sön Armentara. Ti ciarun a plantes carnivores, imparun düit sura les „dös vites“ di anfibs y porvun ince da ejaminé le pice monn ascognü di insec. Söl iade da gní zoruch a Pedraces analisunse ince la cualité dl'ega, chirin les larves di insec y insciö inant tl'ega y söla spona dl rü.

Post de incuntada: Pedraces, Staziun dl lift da La Crusc, dales 9:00

Gní zoruch: Staziun dl lift da La Crusc, dales 17:00

Referënta: **SILVIA OBERLECHNER**, Ciasa dl Parch Rieserferner-Ahrn

Vëndres, 8 de messé:

Survire tla natöra

„Survival“ é l'ert da survire tla natöra feter zënza material d'echipamënt. Do na picera spazirada nes aspeta n dé interessant cun l'espert de survival **PETER MORANDELL**. Al nes spliga, sciöche i podun se la cavé tla natöra cun püces cosses scëmples. Odarun ciünes plantes salvaries che an pó mangé, co che an fej da se möie zënza fá da vera, olá y co che podun se fá n ascognadú por sté suranöt, co che an fej da fá fuch y ciamó n grüm de atres cosses.

Post de incuntada: Ciasa dl Parch Fanes-Senes-Braies, dales 9:00

Gní zoruch: Ciasa dl Parch Fanes-Senes-Braies, dales 17:00

Referënt: **PETER MORANDELL**, espert de „survival“

Mercui, 3 de agost:

Le liber de storia dla Tera

250 miliuns de agn de storia dles Dolomites! Incö fajunse n iade tl tëmp, zoruch n grüm de miliuns de agn, canche al s'è deposité les peres che forma al dedanincö les Dolomites. Cun **HERWIG PRINOTH**, che laora sciöche paleontologh tl Museum dla Natöra de Südtirol a Balsan, ti sunse stá da fá gní cun nos n espert dër competënt, che nes mostrará, sciöche an lí le „liber dla storia dla Tera“: fostüs de dinosaurs, espoljiuns da tomëi de vulcans y la plü gran möria de tiers de düta la storia dla Tera, banc de corals tropicali y dlaciazions – la storia dles Dolomites é veramënter plëna de evënc dër interessanc, che jun a descörí tratan ch'i fajun la Roda de Pütia.

Referënt: **HERWIG PRINOTH**, Museum Natöra Südtirol

Post de incuntada: Börz, dales 9:00

Gní zoruch: Börz, dales 17:00

Jöbia, 4 - vëndres, 5 de agost:

Tl rëgn di tiers

Tratan nosta formaziun da Junior Ranger messunse bëgn ince n iade jí te Fanes! Y i se tolun cinamai dui dis de tëmp, por descürí valgügn di socrëc infinic de chësta contrada liendara ...

Da Sciaré piunse ia contra Fanes. Söl tru da jí sön Col de Locia odarunse habitac sciöche crëp y giaruns: Dala cô dl variöl ala grifa dl malan dles Dolomites – sö por chësc trú ért podunse osservé avisa, sciöche plantes y tiers se adatëia ince ales rödenes plü düres da suravire. Te Gran Fanes storjunse pro ite dal famëi, che nes spliga so laur y l'importanza dles pastöres da munt. Mo Fanes é ince interessant por süa geologia: Degun ater raiun de Südtirol n'é caraterisé tan dassën da fenomens carsics, sciöche les altüres de Fanes. Ci é pa daldöt carsism y co se formel pa?

Domisdé ia rovarunse jö dala Ücia de Fanes, olache i starun spo suranöt.

Do cëna piunse ia – sce i ne se tomëis nia – a chirí Spina de Mul. Al é n striun bindebo da tomëi y n pü' da sgricé, che slaihëia incërch de nöt sciöche schelet de müsc mez fraidí. Cimoda che vël é de colpa, che le Lé Vërt á so corú strambo, y ci che al á fat che le Rëgn de Fanes é gnü desdrüt y la prinzëssa Dolasila, cun sües saites de arjënt strinades, é morta, nes cunta nüsc esperc de liëndes.

Le secundo dé da doman adora, ciamó dan gosté, fajunse bele na picera roda tl „Rëgn di tiers“ – chësc é le surainom dl Parch natural Fanes-Senes-Braies. Che se condüj éle **DAVID VALLAZZA**, che conësc Fanes sciöche püc d'atri y se spligará i tiers salvars che vir dailó sö. Stambëch, variöl da sas, muntagnola, ciamurc, belora, iarina de munt y lou blanch – odëi sce un fortuna y incuntun ince valgügn de chisc tiers!

Da Pederü gnunse ciamó cun la coriera fora te Ciasa dl Parch (NIA VES DESMENTIÉ LE SÜDTIROLPASS!!!), olache fajun placac cun i plü bi recorc de düit le curs, che metun fora dala festa de conlujiun por ti fá gní l'invidia a düc, chi che n'á nia tut pert a nostes aventöres!

Post de incuntada: Jöbia, ai 4 de agost, dales 9:00 – Plaza da parché Sciaré

Sté suranöt: Ücia de Fanes

Gní zoruch: Vëndres, ai 5 de agost, dales 18:00 – Ciasa dl Parch natural Fanes-Senes-Braies

Referënc: **DAVID VALLAZZA**, espert de tiers | **MATTEO RUBATSCHER**, Ciasa dl Parch Fanes-Senes-Braies

Sabeda, 6 de agost:

Festa de conclujiun a Truden

La festa de conclujiun dl curs da Junior Ranger, olache i partezipanc ciafa le diplom, é preodüda a Truden.

Düc i Junior Ranger, sides chi dl Parch natural Trudner Horn sciöche nos dl Parch natural Fanes-Senes-Braies, i mostrará sü placac a geniturs y fredesc y sorus, por che ince vëi vëighes, ci ch'i ún fat tratan le curs, y ci ch'i ún döt cant imparé. Da marëna se fajunse instësc le pan. Sambëgn fajarunse ince de vigne sort de jüc.

Do marëna ciafará i Junior Ranger le diplom. Y che ch'á ciamó vöia, pó ciamó fá na picia spazirada tl Parch natural de Südtirol cun la maiú biodiversité.

Post d'incuntada: Ciasa dl Parch natural Trudner Horn, Am Kofl 2, I-39055 Truden

Orar: dales 10:00 inant

I orars gñará ciamó adatá al orar dles corieres da d'isté. Ince zënza pôl ciamó ester de piceres modaziuns al program.

Le curs é ponsé por mituns y mitans dai 10 ai 11 agn. Condiziun por podëi tó pert é la presënza a almanco cin di ot dis. Por motifs de assicuraziun mëss i mituns/les mitans ince gní scric ite pro l'AVS. Mituns y mitans, che n'á nia ciamó fat n curs da Junior Ranger, tira dant. Le curs costa 120€.

Iscriziun: dai 28 de merz inant. Dötes les informaziuns por l'iscriziun vëgn publicades proscimamënter söla plata internet dl AVS  <https://alpenverein.it/naturpark-junior-ranger-2022>

Deplü informaziuns:



Ciasa dl Parch natural Fanes-Senes-Braies

Tel.: +39 0474 506120

info.fsp@provinz.bz.it

www.naturparks.provinz.bz.it

Alpenverein Südtirol

Tel.: +39 0471 303201

jugend@alpenverein.it

www.alpenverein.it